

CATECHESIS  
MINOR

IUVENTUTI  
*Religione Christianâ  
imbuendæ*  
CONSCRIPTA.



PSAL: 119. v. 9.

*Quanam re purget adolescens  
suos mores? Exequendis  
tuis verbis,*

---

RACOVIAE,  
Anno a CHRISTO nato,  
1612.

# P R A E F A T I O .

**P**ARENTUM quidem munus est,  
de victu cultuque corporis, &  
cæteris vitæ præfidiis, proli suæ  
prospicere: at multò præstabilius  
eos divinæ voluntatis notiā im-  
buere, & spiritali epulo ad beatam  
immortalemque vitam confirma-  
re, atq; interiori habitu, qui coram  
Deo spectabilis est, exornare. Ad  
quam earum industriam promo-  
vendam, conscripta conciliis hac  
Catechesi, viam iis commonstran-  
dam & muniendam esse duximus,  
quâ parentes ad divinæ voluntatis  
perceptionem liberos perduceret;  
liberi verò eidem insistentes, a pri-  
ma pueritia Christi jugum ferre  
discerent, ut hoc officio rectè ad-  
ministrato, parentes quidem ob pi-  
am liberorum suorum institutio-  
nem, & nunc meritâ laude ab om-  
nibus piis afficerentur, & in adven-  
tu Christi, coronam, quæ nunquam  
marcescat, consequerentur. Liberi



autem ex ejusmodi disciplina, paccatâ conscientia, quâ nullus thesaurus pretiosior esse potest, partâ, & in hac mortalitate confirmata ætate, & postea positis mortalitatis exuviis, latissimos proventus perciperent. Excipite igitur, vos Parentes Optimi, vosque liberi, ingenuam hanc nostram operam benignâ mente, atque in eos usus convertite, in quos & suscepta a nobis & vobis exposita est. Præpotens DEUS, pro suo immenso favore utrisque pariter per Filium suum unigenitum clementer succurrat, & benedicat, ad nominis sui gloriam, vestramque æternam salutem,



## CATECHESIS MINOR

Inventuri Religione Christianâ imbuendæ conscripta.

*Quid est Religio Christiana?*

EST via a DEO patefacta vitam æternam consequendi.

*Vbi ea est patefacta?*

In sacris literis, præsertim Novi Testamenti.

*Extantne alia sacra litera præter literas Novi Testamenti?*

Exstant.

*Quanam sunt?*

Scripta Testamenti Veteris.

*Quæ igitur est hæc via?*

Est cognitio DEI & CHRISTI, ut ipse Christus testatur, *Hæc est vita æterna, ut cognoscant te illum solum verum Deum, & quem misisti lesum Christum.* Ioh. 17.  
2.

De cognitione Dei salvificâ, quâ  
essentiam ejus spectat.

*Quibusnam in rebus sita est  
DEI cognitio?*

**I**N eorum, quæ ad essentiam ejus  
pertinent, & voluntatis ipsius no-  
titiâ.

*Quanam ad essentiam ejus  
pertinent?*

Ea sunt duplicia. Quædam ad sa-  
lutem omninò necessaria sunt, quæ-  
dam ad eam summè conferunt.

*Quanam pertinentium ad essen-  
tiam, ad salutem prorsus  
necessaria sunt?*

Hæc. Nôsse, Deum existere.  
unum tantum esse. Æternum.  
Perfectè justum. perfectè Sapien-  
tem, & perfectè Potentem esse.

*Quid est scire, Deum existere?*

Agnoscere, & firmiter credere,  
cum

cum in nos divinum imperium ex  
seipso habere.

*Quid autem est scire, unum  
tantum esse?*

Agnoscere, & certò credere, i-  
psum solum tantum esse, qui in nos  
ex seipso divinum imperium ha-  
beat.

*Quod est hoc divinum impe-  
rium?*

Est jus, atque potestas absoluta,  
de nobis suo arbitratu discernen-  
di, ad cogitationes etiam, & corda  
nostra porrecta.

*Quid est scire, Deum esse æ-  
ternum?*

Id videlicet. Eum principio & fi-  
ne carere.

*Quid est scire Deum esse sum-  
mè justum?*

Naturæ ejus insitum esse, æquita-  
tem & justitiam tueri.



*Quid est scire, Deum summè sapientem esse?*

Eum non solum omnia in genere intelligere, verum etiam singula adè exactè cognita habere, ut nihil ejus notitiam fugere possit.

*Quid est scire, Deum esse summè potentem?*

Eum, quicquid velit, efficere posse.

*Cur hæc omnia de Deo nosse, est omninò necessarium ad salutem?*

Quia sine horum notitia, in hac salutis via ad extremum persistere non possemus.

## CAPUT II.

De cognitione DEI, quâ ipsius personam spectat.

*Quæ sunt de essentia DEI, ad salutem cognitu apprimè utilia?*

eorum præcipuum est, ut in ef-

sentiâ Dei, unam tantum personam esse sciamus.

*Quanam est hæc una persona divina?*

Est ille unus Deus, Pater Domini nostri Iesu Christi.

*Quomodo id probas?*

Testimoniis Scripturæ evidentissimis, quæ sunt, *Hæc est vita æterna* <sup>Ioh: 17.</sup>  
(ait Christus) *ut cognoscant te* (Pater) <sup>3.</sup>  
illum solum verum Deum. Et ad Corinthios Apostolus scribit: *Non* <sup>1 Cor: 8.</sup>  
*bis unus Deus* (est) *ille Pater ex quo*  
*omnia.* Et ad Ephesios, *Unus est Deus,* <sup>Ephes: 4. 6.</sup>  
*& Pater omnium, qui est super omnia,*  
*& per omnia, & in omnibus.*

## CAPUT III.

De cognitione Dei, quâ ipsius voluntatem spectat.

*Ad voluntatem Dei, quam spectant?*

**H**orum quædam universis homini-

minibus, & eorum unicuique communia sunt, & fuerunt, quædam vitam æternam consequuturis propria.

*Quæ sunt universis, & unicuique hominum communia?*

Sunt tria: primum creatio cæli & terræ, & omnium, quæ in iis sunt. Deinde cura & providentia de singulis hominibus. Postremò remuneratio eorum, qui ipsum quærunt, hoc est, ei parent.

*Quæ sunt vitam æternam consequuturis propria?*

Ea, quæ DEUS per IESUM CHRISTUM nobis patefecit.

### CAPUT III.

De cognitione CHRISTI;

Ac primùm de Persona ipsius.

*Doce me, quæ de Iesu Christo scitu necessaria sunt.*

**H**æc duplicia sunt, quædam ad per-

personam, quædam verò ad munus ipsius referuntur.

*Quanam sunt ea, quæ ad personam eius referuntur?*

Id unicum, quòd naturâ sit verus homo, quemadmodum ea de crebra Scripturæ sacra testimonia extant; atque hæc è multis, *Vnus mediator Dei, & hominum; homo Iesus Christus.* Quoniam per hominem mors, & per hominem resurrectio mortuorum. Qualem Deus olim per Prophetas promiserat, & qualem etiam cum esse testatur fidei Symbolum; vulgò Apostolicum appellatum; quod nobiscum universi Christiani profitentur.

*Ergo Dominus Iesus est purus homo?*

Minimè. Etenim est conceptus Spiritu sancto, natus ex Mariâ virgine, eoque ab ipsa conceptione, & ortu, Filius Dei est, ut habetur apud D. Lucam, ubi Angelus Mariam



Luc. 1. ita alloquitur: *Spiritus sanctus super-  
 35. perveniet in te, & virtus altissimi  
 obumbrabit tibi; ideoque quod ex te  
 nascetur sanctum, vocabitur Filius  
 Dei.*

*Annon Jesus habet etiam natu-  
 ram divinam?*

Nequaquam. Nam id non solum  
 sanæ rationi, verum etiam divinis  
 literis repugnat.

# CAPUT V.

De cognitione Christi, quatenus  
 munus ipsius Propheticum  
 spectat.

*In quo potissimum munus Chri-  
 sti consistit?*

IN his tribus; quod sit Propheta,  
 Rex, & Sacerdos noster.

*Ubi Propheta in Scripturis  
 vocatur?*

Extat eâ de re testimonium in A-  
 ctis

Actis Apostolorum, quod Petrus a  
 Mose repetit, qui ad Patres ita lo-  
 quutus est: *Prophetam excitabit vo-* Act. 3.  
*bis Dominus Deus vester e fratribus* 12.  
*vestris, quemadmodum me, eum au-* Deut. 18  
*dieris, secundum omnia, quæ ad vos*  
*loquutus fuerit.*

*In quo verò consistit ipsius munus  
 Propheticum?*

In perfectâ divine voluntatis pa-  
 tefactione, & confirmatione nobis  
 per eum facta, quare etiam Media-  
 tor Novi Fœderis appellatus est.

*Quæ verò est illa voluntas DEI,  
 per Christum nobis perfecte  
 patefacta?*

Est illud fœdus novum, quod cum  
 genere humano Christus Dei no-  
 mine pepigit.

*Quid verò hoc Novo Fœdere  
 continetur?*

Duplex rerum genus: quorum u-  
 num Deum: alterum nos respicit.

*Quod est, quod Deum respicit?*

Sunt perfecta mandata, & perfecta Dei promissa.

# CAPUT VI.

De Præceptis Christi, legi adjectis.

*Quenám sunt perfecta mandata Dei per Christum patefacta?*

PARS eorum continetur quibusdam præceptis DEI per Moysen traditis, unâ cum iis, quæ sunt iis in Novo Fœdere addita: pars verò iis, quæ peculiariter ipse Christus præscripsit.

*Quenám sunt priora?*

Sunt ea, quæ Decalogo continentur.

*Quæ igitur sunt præcepta Decalogi, & quæ cuiq; eorum Christus adjecit?*

Primum ordine præceptum est:

Non

Non habebis Deos alienos coram me. Exo. 20.

*Quid huic præcepto Christus addidit?*

Primum est, quòd nobis certam orandi formulam proposuit, ad quam nos, quemadmodum DEUM orare oporteat, instituit.

*Quæ verò isthac est?*

Ea quæ à D. Matthæo, & Luca de-  
scripta est. Marth.  
6. 9.  
Luc. 11.  
2.

PATER noster, qui es in celis,  
Sanctificetur nomen tuum:

Adveniat regnum tuum:

Fiat voluntas tua, sicut in celo, (ita)  
& in terra.

Panem nostrum quotidianum da nobis hodie.

Et remitte nobis debita nostra, sicut  
& nos remittimus debitoribus nostris.

Et ne nos inducas in tentationem, sed libera nos à malo.

Quoniam tuum est regnum, & potentia & gloria in secula. Amen.

A 8.

*Quid*



*Quid præterea Dominus Iesus  
huic primo præcepto addidit?*

Id videlicet, quòd Dominum Ie-  
sum pro Deo agnoscere, id est,  
pro eo, qui in nos divinam potesta-  
tem obtinet, cumque divino cultu  
vanerari tenemur.

*In quo is divinus cultus Christo  
debitus consistit?*

In eo, quòd, quemadmodum ad-  
oratione divinâ eum prosequi te-  
nemur, ita in omnibus necessitati-  
bus nostris ejus opem implorare  
possumus.

*Quid præterea ad divinum Chri-  
sti cultum pertinet?*

Celebratio sacrae cœnæ ipsius, de  
quâ inferius audies.

*Quod est secundum Præceptum?*

Non facies tibi imaginem, nec ul-  
lam similitudinem eorum, quæ in cæ-  
lis sursum, quæ in terra deorsum, &  
quæ in aquis sub terra. Non adorabis  
ea, neque coles.

*Quid*

*Quid verò additum est huic Præ-  
cepto in Novo Fœdere?*

Vt non tantum imaginibus nul-  
lum honorem habeamus, verum  
insuper omni diligentia eas averse-  
mur, ut habetur apud D. Iohannem:  
*Filioli fugite idola.* Et apud D. Paul.  
*Propterea fratres dilecti, fugite ab*  
*Idololatriâ.*

1. Ioh. 5.

21.

1 Cor. 10

14.

*Quod est tertium Præceptum?*

Non assumes nomen Domini Dei tui  
in vanum. Nec enim impune dimittes  
eum Dominus, qui nomen ejus assum-  
pserit in vanum.

*Quid verò est, nomen Domini in  
vanum assumere?*

Est Deum testem invocare in re-  
bus falsis.

*Quid huic Præcepto additum est  
sub novo Fœdere.*

Primò, quòd non solum Deum,  
verum etiam Dominum Iesum Chri-  
stum testem nuncupare possumus,

A 9

quum

quum ille quoque cordium, & re-  
num scrutator sit. Deinde, quod  
nobis non modò falsum, sed ne ve-  
rum quidem jurare liceat, nisi gra-  
vissimis causis, atque adeò in glori-  
am Dei quoquomodò redundantibus,  
compulsis: idque non temerè,  
sed magno cum Dei metu, & cir-  
cumspeditione faciendum est.

*Vbi ea de re scriptum est?*

Mat. 5.  
M. &c.

Apud D. Matthæum, ubi Chri-  
stus hunc in modum præcipit: Audi-  
vistis dictum fuisse antiquis, Non pe-  
jerabis; sed reddes aliusimorota tua.  
Ego verò dico vobis. Ne juretis om-  
nino, neque per cælum, quum sit Thro-  
nus Dei: neque per terram, cum sit  
scabellum pedum ejus: neque per Hie-  
rosolymam, quum sit urbs magni Re-  
gis: neque per tuum ipsius caput ju-  
rabis; cum nequeas unum pilum a-  
trum vel album facere. Sermo autem  
vester sit. Ita, ita: Non, non: quod ve-  
rò supra hæc est, a malo est. Quod e-  
tiam Jacob: 5. 12. habetur.

*Quod est quartum Præceptum?*

*Memento ut diem Sabbati sancti-  
fices.*

*Quid verò de hoc præcepto nobis  
statuendum est?*

Illud: Cum aliis ceremoniis sub-  
latum esse.

*Expone quintum Præceptum.*

*Honora Patrem tuum, & matrem  
tuam, ut prolongentur dies tui supra  
terram.*

*Quid porro est honorare paren-  
tes?*

In omnibus iis dicto audientem  
esse, quæ modò præceptis Dei non  
adversantur: & gratum animi iis  
pro beneficiis acceptis cumulatè  
præstare. Eph. 6.  
1. 2.  
1. Tim. 9.

*Quod verò officium est Pa-  
rentum?*

Præcipuum hoc est, ut suos libe-  
ros in disciplinâ, & admonitione  
Dei educent.

*Quid*



*Quid est autem eos educare in  
disciplina & admonitione  
Domini?*

Est eos viis Domini, & conserva-  
tioni divinatorum præceptorum as-  
suefacere, tum piis sermonibus,  
tùm monitis, tùm denique constue-  
tudine & exemplo salutari, uti hac  
de re singulare præceptum DEI a-  
pud Moſen extat, ubi Deus mandat,  
ut assidue manè & vesperi, non do-  
mi tantùm, verùm etiam in itinere  
de lege ipsius parentes cum liberis  
sermonem habeant.

*Quid insuper ad hoc Præceptum  
pertinet?*

Subditorum & Magistratus, Vxo-  
rum, & Maritorum, Servorum, ac  
Dominorũ officia huc referri pos-  
se videntur.

*Quod est subditorum officium?*

Vt magistratui pareant, non so-  
lùm propter metum, verùm etiam  
ob conscientiam, tributa, census,  
vesti-

vestigalia pendant, honore proſe-  
quantur, cum metuant.

*Quod est officium Magistra-  
tus?*

Vt eam, quam in cæteros habet,  
potestatem sibi a Deo ad defensio-  
nem bonorum, & terrorem facino-  
rosorum permissam esse agnoscat.

*Quod est officium Vxorum erga  
Maritos?*

Vt in omnibus maritis morige-  
ræ sint, quemadmodum Ecclesia  
Christo, & eos metuant.

*Quod est officium Marito-  
rum?*

Vt uxores caras habeant, quemad-  
modum Christus caram habuit Ec-  
clesiam, & quemadmodum sua i-  
psorum corpora, & ut eis tanquam  
vasi fragiliori honorem exhibeant,  
neque in eas sæviant.

*Quod est officium servorum?*

Vt Dominis obsecudent, cum  
metu

Rom. 13.  
5.

Eph. 5.

24, 38.

1. Pet. 3.

6.

Col. 3.

18.

Ephes. 5.

25, & 28.

1. Pet. 3.

7.

Col. 5.

19.

Eph. 6.

5, 6, 7, 8.

Deut. 11.  
19.

Rom. 13.  
5.

metu, & tremore, & sinceritate cordis tanquam Christo, non ad oculum servientes, velut hominibus placentes, verum ut servi Christi, voluntatem Dei facientes ex animo, cum benevolentia servientes, tanquam Domino, & non hominibus, scientes, quod quisque quicquid boni fecerit, id reportaturus sit a Domino, sive liber, sive servus: ut subjecti sint Dominis cum omni metu, non solum bonis & æquis, verum etiam iniquis, ut dominis placeant, non contradicentes, non fraudantes, verum omnem fidelitatem præstantes: ut quicumque servi sint sub iugo, Dominos suos omni honore dignos judicent, ne nomen DEI & doctrina blasphemetur, & qui Dominos habent fideles, ne eos despiciant, quod fratres sint, verum impensius serviant, quod fideles sint, & dilecti ejusdem beneficii participes.

Quod

Quod verò officium est Dominorum?

Ut servis, quod justum, & æquum est, tribuant, minas condonent, scientes, quod tam Dominorum quam servorum Dominus est in cælis, nec apud eum est acceptio personarum.

Quod est sextum mandatum?

Non occides.

Quid huic addidit Dominus

I E S U S?

Ne fratri irascamur, neque accerbitate verborum a vindictæ cupidine professorum eum offendamus, quod Christus vocibus Raka & Fatue expressit. Quod etiam illa verba pertinent: Omnis amaritudo & ex- candescencia, & ira, & clamor, & maledicentia tollatur à vobis cum omni malitia.

Quid verò est dicere alicui Raka vel Fatue?

Est vindictæ studio ipsum nominare

1. Pet. 2.

18.

Tit. 2.

9, 10.

1. Tim. 6.

2, 2.

Eph. 4.

Col. 4.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.

1.



nare hominem nihili aut vanum,  
aut rationis expertem,

*Quid præterea huic præcepto  
adjecit Christus?*

Prohibuit omne ultionis genus,  
non solum privatum, verum etiam  
quod fit per Magistratum, adeò ut  
illatâ vel corpori, vel fortunis, vel  
existimationi nostrâ ab aliquo ja-  
cturâ, quàm ut veterem vindice-  
mus, ad novam potiùs perferendam,  
paratos nos esse oporteat. Quod  
Christus his verbis docuit: *Ego vo-  
bis dico, ne resistatis malo, verùm si  
quis percusserit dextram maxillam  
tuam, exhibe ei alteram; & qui vo-  
luerit tecum jure contendere, ac tuni-  
cam tollere, permitte ei & pallium,  
& qui te sollicitaverit admiliare u-  
num, abi cum eo duo.*

*Quod est septimum manda-  
tum?*

*Non machaberis.*

*Quid*

*Quid huic addidit Christus?*

Vt omnem scortationem, & im-  
puritatem, ac etiam omnem ser-  
monem fœdum, stultum & joco-  
sum vitemus.

*Quod est octavum manda-  
tum?*

*Non furtum facies.*

*Quid prohibetur hoc man-  
dato?*

Prohibetur omnis diminutio re-  
rum ad proximi commodum spe-  
ctantium, quæ sit, quoties vel ea,  
quæ habet subtrahimus, vel neces-  
sitatibus ejus, quando possumus,  
non succurrimus.

*Quid huic præcepto Christus  
adjecit?*

*Ne simus avari.*

*Quid verò est avarum esse?*

Est plus habere velle, quàm ad tu-  
endam vitam, tum tuam, tum tuo-  
rum opus sit.

B

*Qua*

Mat. 5.  
39, 40, 41

Luc. 12.  
15.

Heb. 13.  
15.  
1. Tim.  
6. 11.

*Quid verò id sit ratione?*

Luc. 12. 15. Ea nimirum, dum homines, præter necessaria vitæ subsidia, plus aut quærunt, aut recondunt.

*Quæ sunt illa necessaria vitæ præsentis subsidia?*

1. Tim. 6. 11. Victus, & amictus, ac ea, sine quibus vita præsens conservari nequit.

*Quomodo victu, & amictu nobis utendum est?*

Ne videlicet, luxus ullus, aut corporea voluptas in nobis deprehendatur.

*Qui verò luxus & corporea voluptas vitari potest?*

Cum cibo & potu ad valetudinis rationem utemur: habitu verò, ne luxum, aut levitatem ullam arguat.

*Quod verò in ciborum & potus usu, luxum vocas?*

Ingluviem, Crapulam, & Comestiones.

*Quod est nonum Præceptum?*

Non

Non dices falsum testimonium adversus proximum tuum.

*Quid ad Præceptum hoc pertinet?*

Mendacium quodvis, non solum ab animo per sermonem fallendi cupidum, verum etiam a levitate, ortum; præterea, omnis detractio, calumnia, cepsura, condemnatio.

*Quod est decimum Mandatum?*

Non concupisces domum proximi tui: nec concupisces uxorem ejus, nec servum, nec ancillam, nec bovem, nec asinum, nec ullam rem ex iis, quæ ipsius sunt.

*Quid est concupiscere rem proximi tui?*

Est animum inducere, ut rem proximi tui, quæ tibi placeat, etiam iniquissimâ viâ consequaris.

## CAPUT VII.

De Præceptis Christi peculiaribus, ad mores pertinentibus.

B 2

Quæ



*Qua est pars Præceptorum Christi  
figillatim ab eo tradita?*

**H**æc præcepta sunt duplicia: quædam enim mores, quædam ceremonias respiciunt.

*Quæ verò respiciunt mores?*

Mat. 16.  
24.

Hæc: Abnegatio sui ipsius, crucis suæ portatio, Christi imitatio.

*Quid verò est abnegatio sui  
ipsius?*

Est privaræ voluntatis ejuratio, & cupiditatum malarum, carnalium, & mundanarum abdicatio.

*Quæ verò est isthac crucis suæ  
portatio?*

Est animi non solum ad afflictiones quasvis, verum etiam ad mortem vel acerbissimam Christi causa subeundam preparatio, ejusque voluntaria exceptio ac lata perpassio.

*Quæ porro est Christi imitatio?*

Est vitæ nostræ ad vitæ Christi regulam conformatio.

In

*In quo ea consistit?*

In exercitio earum virtutū, quarum Christus in seipso, tanquam in vivo exemplari expressam nobis imaginem representavit.

*Quæ verò sunt hæc virtutes?*

Præcipuæ sunt: Fiducia in Deo posita, Charitas consummata, Humilitas, in precibus assiduitas.

*Quæ est hac in Deo posita fiducia?*

Est, quā in promissis divinis acquiescimus, & voluntati ejus obtemperamus.

*Quæ est charitas consummata?*

Ea vel Deum vel proximum spectat.

*Quæ est in Deum charitas consummata?*

Est quā Deum ex toto corde, ex totā animā & totis viribus supra omnia amamus.

B 3

Quæ

*Quæ charitas in proximum?*

Ea vel in fratrem, vel in inimicum confertur.

*In quo consummata charitas erga fratrem consistit?*

In eo, ut animam pro eo profundamus, quod etiam Iesus mandatum suum novum appellat.

*In quo verò consistit erga inimicum charitas?*

Mat. 9.

44.

Luc. 6.

27, &c.

Rom. 12.

20.

Execrantibus nos tenemur benedicere, iis qui nos oderunt benigne facere, pro iis verò qui nos vexant, & insectantur, orare; si esuriant, cibum, si sitiant potum præbendum, & si necessitate compulsi a nobis mutuo sumere velint, non sunt repellendi.

*Quid est humilitas?*

Est modica de seipso, in summa etiã amplitudine opinio, & promptitudo non detrectans vilissima ministeria proximis suis, abjectissimis

Phil. 2.

3, &c.

mis

mis licet, præstanda, quam in seipso luculenter expressit Christus, cum servorum suorum, Apostolorum scilicet, pedes lavit. Ioh. 13. 34. & 15. 22.

*Quid est denique assiduitas in precibus?*

Est animi nostri quàm creberrima ad Deum, quovis in loco elatio, eidem commendatio omnium necessitatum cum fidelium, tum omnium hominum, maximè regum, & eorum, qui præsunt, cum imperio. Ad quas preces summe utile est Ieiunium. 1. Tim. 2. 1, 2.

*Quid est Ieiunium?*

Ieiunium, de quo hîc agitur, nihil aliud est, quàm ab omni cibo & potu ad tempus abstinencia.

## CAPUT IX.

De Cœna Domini.

*Quæ sunt præcepta Christi ad ceremonias spectantia?*

B. 4.

Vnicum



Vnicū tantū est, celebratio  
Cœnæ Domini.

*Quid est cœna Domini?*

Est Christi Domini institutum,  
quo fideles ipsius panem frangunt,  
& comedunt, & ex calice bibunt,  
mortis ipsius annunciandæ causâ,  
quod permanere in Ecclesia in ad-  
ventum ipsius oportet.

*Quid verò est annūtiare mor-  
tem Domini?*

Est publicè & religiosè Christo  
gratias agere, quòd is pro sua ingēti,  
& inexplicabili erga nos charitate  
corpus suum torqueri, & quodāmo-  
do frangi, & sanguinem fundi pas-  
sus est; ac hoc ipsius beneficiū lau-  
dibus extollere & celebrare.

*Quis est verus & germanus sen-  
sus horum verborum,*

Hoc est corpus meum?

Simplex ac verus horum Christi  
verborum sensus est, ac si Christus  
dixisset,

dixisset, Hæc actio frangendi, &  
manducandi panis hujus, est com-  
memoratio & repræsentatio quæ-  
dam ejus, quod corpore meo fu-  
turum est. Et hæc actio fundendi, &  
bibendi vini hujus, commemora-  
tio & repræsentatio quædam ejus  
est, quod sanguine meo fiet, vel (ut  
verba Pauli Apostoli simul explicemus) bibitio ex hoc calice, est com-  
memoratio illius ingentis divinæ  
charitatis, nobis in Novo Fœdere  
exhibitæ, ac morte Christi confir-  
mata.

1. Cor.  
11. 25.

## CAPUT IX.

### De Baptismo aquæ.

*Quid verò sentis de aquæ ba-  
ptismo?*

Id, quòd sit ritus exterior, quo ho-  
mines vel à ludæis, vel e gentibus  
ad religionem Christianam acce-  
dentes, manifestè profitebantur, se  
Christum pro suo Domino agno-  
scere.

*Pertinentne ad eum ritum Infantantes?*

Minimè. Nam in scripturis nec mandatum nec exemplum ullum hac de re habemus. Adhæc. Res ipsa indicat, eos Christum pro Domino & Salvatore suo agnoscere non posse.

### CAPUT X.

De promissis Christi.

*Quanam sunt illa perfecta promissa per Christum nobis revelata?*

MAXIMUM omnium, & quod omnia complectitur, est vita æterna: verum etiam aliud superest ad priusobtinendum apprimè conducibile.

*Quod verò istud est?*

Donum Spiritus sancti.

*Quid est donum Spiritus sancti?*

Donum Spiritus sancti nihil aliud est.

est, quàm firma & certa vitæ æternæ nobis promissæ spes, quàm in cordibus nostris sentiamus, quàm <sup>2 Cor. 13. 22 & 5. 5.</sup> obrem eum scriptura arrham, aut <sup>Eph. 1. 14.</sup> etiâ arrham hæreditatis nostræ vocat, atque in corda nostra immitti testatur.

*Estne Spiritus sanctus persona Deitatis?*

Minimè. Primum enim de eo <sup>A& 5. 32</sup> <sup>1. Ioh. 4. 13.</sup> <sup>Eph. 4. 7.</sup> <sup>Ioan. 3. 34.</sup> <sup>A& 2. 17. & 34.</sup> <sup>1. Cor. 12. 13.</sup> <sup>Ephes. 3. 18.</sup> <sup>2. Reg. 2. 9.</sup> <sup>Ioh. 7. 39.</sup> <sup>1. Thes. 5. 19.</sup> <sup>1. Cor. 2. 11.</sup> tera sacra testantur eum dari, & ex eo dari, idque vel secundum mensuram, vel absque omni mensurâ effundi, & ex eo effundi, homines eo notari, eum augeri, in duplo dari; in partes distribui, auferri, ex eo auferri, interdum adesse, interdum abesse, denique extingui, quæ & cetera similia scripturæ testimonia personæ congruere non possunt. Deinde idem patet, quod Spiritus Dei, in Deo est, ut spiritus hominis in homine. Persona verò in persona esse non potest. Postremo cum



una tantum sit in deitate persona,  
ut superius demonstratum est, Spi-  
ritus sanctus persona esse non po-  
test, plures enim jam unam personam  
essent.

*Quare spiritui sancto actiones  
personarum propria atque  
adeo ipsi Deo competen-  
tes attribuuntur?*

Quoniam virtus Dei est.

### CAPUT XI.

De iis quibus voluntas Dei à Chri-  
sto confirmata est.

*Quomodo verò Christus divi-  
nam voluntatem confir-  
mavit?*

Quod ea attinet, quæ ipse præ-  
stitit, tria sunt, quæ divinam volun-  
tatem a Christo patefactam confir-  
mât: consummata vitæ innocentia,  
miracula immensa, atque innumera, &  
mors ipsius.

CA.

### CAPUT XII.

De Fide in Christum.

*Quidnam illud est, quod ex par-  
te nostri ad Novum Fœdus  
spectat?*

EST fides in Dominum nostrum  
IESUM CHRISTUM.

*Quid est fides in Dominum no-  
strum Iesum Christum?*

Est fiducia per ipsum in Deo po-  
sita, adeoque hæc fides hæc duo  
comprehendit. Vnum. Ut non so-  
lum Deo, verumetiam Christo cō-  
fidamus. Deinde, ut Deo obtempe-  
remus, non in iis solum, quæ in sua  
lege præcepit, & per Christum ab-  
rogata non sunt, verumetiam in iis  
omnibus quæ Christus legi addidit.

*Quæ est isthæc obedientia?*

Ea, ut nullius peccati habitum  
contrahamus, omnium verò virtu-  
tum Christianarum habitus com-  
paremus, vel, ut non secundum car- Rom. 8.  
nem ambulemus, verum spiritu o- 13.

B 7

pera

## CAPUT XIII.

De libero hominis arbitrio.

*Estne id situm in nostra potestate, ut Deo obtemperemus?*

**EST:** etenim ita Deus hominem creavit, ut ei liberum arbitrium cōferret, præterea nemini eorum, quibus voluntatem suam exposuit, auxilium suum subtrahit.

*Quodnam est auxilium istud divinum?*

Divinum auxilium duplex est: Interius, & Exterius.

*Quod verò exterius est?*

Sunt promissa, & minæ, promissa tamen efficaciora sunt. Vnde etiam, quòd promissa sub Novo Fœdere multū præsent promissis Veteris Fœderis, facilius est sub Novo, quàm sub Veteri Fœdere voluntatem Dei exequi.

*Quod*

*Quod est auxilium Dei interius?*

Id nimirum, cùm Deus in cordibus eorum, qui sibi obediunt, promissa sua obligat.

## CAPUT XIV.

De Prædestinatione.

*Quid tu de divina Prædestinatione sentis?*

**ID** videlicet, quòd Deus ante mundum conditum de hominib. ita decreverit, ut iis, qui in ipsum crederent, ei que obediunt, dare vitam æternam: Eos verò, qui in eum credere, & ei parere recusarent, æterna damnatione plectere velit.

*Quid verò est Dei electio?*

**EST** quando Deus hominibus Evangelium suum mittit, quod ipsi etiam vocationem scriptura appellat; illi verò hoc admittunt, & ex ipsius præscripto vitam exigunt.

## CAPUT XV.

De Iustificatione.

B 8

*Quid*



*Quid hac fide consequimur?*

Iustificationem.

*Quid verò est hæc Iustificatio?*

Iustificatio est, cum nos Deus pro iustis reputat, peccata nobis remittens, & vitam æternam donans.

## CAPUT XVI.

De officio Christi regio.

*Quod est officium Regium Domini nostri Iesu Christi?*

**H**oc munus Christi Domini bifariam consideratur: tum regni ipsius, tum ejus populi, qui ipsi subest, respectu.

*Quod est ipsius regnum?*

Est, quod Deus eum suscitatum a mortuis, & in caelos assumptum a dextris suis collocavit, potestate ei omni in cælis, & in terra datâ, & omnibus rebus ipsius pedibus, se excepto, subjectis, ut fideles suos gubernare, tueri, & æternum servare possit.

*Vbi*

*Vbi hæc scripta sunt?*

Plena est horum Scriptura. Eatenus de re præcipue testatur Apostolus, Deum supereminentem magnitudinem virtutis sue erga nos re ipsa ostendisse in Christo, dum eum a mortuis excitavit, & collocavit ad dextram suam in cælestibus, supra omnem principatum, & potestatem, & potentiam, & dominatum, & omne nomen, quod nominatur non solum in hoc seculo, verum etiam in futuro, & omnia subiecisse ejus pedibus, eumque constituisse caput super omnia ipsi Ecclesia. Et in Actis Apostolicis ait Petrus: Deus patrum nostrorum excitavit Iesum, quem suscitatis suspensum in ligno: Hunc Deus Principem & Servatorem exaltavit, dextrâ suâ, ad dandam Israelii penitentiam, & remissionem peccatorum.

*Vbi verò eâ de re testatur Scriptura Christum in caelos assumptum?*

Luc. 24.  
40. 51.

Testaturea de re D. Lucas nominatim hunc in modum: *Et eduxit eos foras, usq; in Bethaniam, & sublatis manibus benedixit eis. Et factus est cum benediceret illis, disjunctus est, ab eis, & sursum ferebatur in calum.* Quade re etiam apud Marcum, & in Actis Apostolicis aliquid scriptum extat.

*At ubi Scriptura perhibet, Iesum ad dextram Dei consedisse, & omnia subiecta habere?*

Eph. 1.

20, 21, 22.

1. Cor.

15, 27.

1. Pet. 3.

2, 12.

In eadem ad Ephesios Epistola, & ad Corinthios. Quia & D. Petrus ait, Christum esse ad dextram Dei profectum in clæu, Angelis & potestatibus & virtutib. ipsis subiectis. *Quid est sedere ad dextrâ Dei?*

Est vices Dei gerere, ac virtutem efficacem habere ad gubernandum & conservandum Dei populum, quæ in eo eminet, quod Christus in corpora, & animas absolutam habeat potestatem, nec hominibus tantum

tantum, verum etiam Angelis, & bonis & malis, & morti ac inferno dominetur.

## CAPUT XVII.

De munere Christi Sacerdotali.

*Ecquodnam est munus Sacerdotale Christi Domini?*

MUNUS Christi Domini Sacerdotale in eo situm est, quod quemadmodum ille potest nobis in omnibus nostris necessitatibus auxiliari, ita etiam auxiliari vult, & auxiliatur, atque hoc illius auxilium sacrificium appellatur.

*Quis est fructus sacrificii Christi Dni?*

Expiatio peccatorum nostrorum.

*Quid porro est peccatorum nostrorum expiatio?*

Hæc duo continet. Primum à pœnis, quæ peccata tum temporaria, tum æterna committantur: Deinde ab ipsis etiam peccatis, ne iis serviamus, liberatio.

## CAPUT XVIII.

*De populo Christi ac gubernatione ipsius.*



*Quis est populus Christi?*

Est Ecclesia aut Cœtus Christianorum, isq; vel visibilis vel invisibilis.

*Quis est Cœtus visibilis?*

Est eorum hominum, qui doctrinam salutarem Christi tenent, & profitentur.

*Quinā est ordo Ecclesia Christi?*

Ordo is continet primū officia earū personarum, quæ in cœtu sunt. Deinde diligentem inspectionem, quod hæc officia impleantur.

*Quæ personæ ad Ecclesiam pertinent?*

Earum alia sunt, quæ præsumt, alia quæ auscultant.

*Quod est officium earum personarum, quæ præsumt?*

1. Tim. 5. 17. A. G. 5. 4. A. G. 6. 2, 3. Ex his quarundam est, aliis in sermone præire, ordinem in Ecclesia Domini omni ex parte tueri & pro populo Dei orare: quorundam vero necessitatibus, Ecclesiæ, præsertim pauperum, providere.

*Quales eos esse oportet, qui aliorum sunt Doctores?*

Hac de re pluribus Paulus differt, in Epistolis ad Timoch. & Titū. Quorum summa est, ut sint vitæ inculpatæ, & ad docendum apti.

*Quod est auditorum officium?*

Ut illi, qui præsumt, dicto audientes sint, in his omnibus quæ juxta verbum Dei præcipiunt, de quo in Epistola ad Hebræos legimus: *Obedite ducibus vestris, & subjacete. Et enim illi vigilat pro animabus vestris, ut illi qui rationem reddituri sunt, ut cum gaudio id faciant, & non gementes, nam id vobis est inutile, ut cum iis, qui docent communicent. Et gemino honore dignos censeant;* 1. Tim. 5. 17. 1. Thes. 5. 12, 13. 1. Tim. 5. 19.

*Quæ hæc est inspectio, quā eadem officia implentur?*

Ea partim omnib. incumbit, partim iis tantum, qui præsumt.

*Quæ incumbit omnibus?*

Heb. 3. 12. 13. Hæc hoc modo descrita est: *Videte fratres ne in quoquo vestrum sit cor malum incredulitatis, et discadat a Deo vivo. Verum ad hoc in mini alios alii singulis diebus, usque quod hodie nominatur, ne quis ex vobis obdure-*

Heb. 10. 25. *tur deceptione peccati. Et infra: Observeamus alii alios in provocationem charitatis, & bonorum operum, non deserentes congregationem nostram ipsorum, sicut mos est quibusdam, sed admonentes, & tanto magis, quanto magis videritis appropinquantem diem. Et*

1. Thes. 5. 11. *Apostolus Paulus ait: Admonete vos mutuo, & edificate alius alium. Et infra: Rogamus vos fratres, adhortamini inordinatos, consolamini pusillanimos, sustinete infirmos, longanimus estote erga omnes.*

*At verò cum ordinis huius contentioribus quomodo agendum?*

Duplici modo. Nam aut privatim castigandi sunt, aut publice.

*Quo*

*Non privatim castigandi sunt* modum Christus docuit. (Mat. 18. 15. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.) *Verit in te frater tuus, & de, & cor- te, & ipsum solum: si non audierit, adhuc unum aut duos, ut in ore du- gel trium, stet omne verbum: si au- t eos, dic Ecclesia.*

*Quomodo publice?*

*Aut verbis & oratione, aut facto.*

*Qui verbis, & oratione?*

*Vt ab omnibus redarguatur publice in Christi Ecclesia. Qui autem facti?*

*Cum aut societatem ipsius averſamur, & cibum cum eo capere recusamus, licet eum ad- huc pro inimico non ducamus, sed tanquam fra- trem admoneamus. Aut eum eum ab Ecclesia Christi segregamus, & pro alieno prorsus re- putamus.*

*Vbi ea de re scriptum est?*

*De priore ratione ad Corinthios: (cap. 5. 11.) Si quis frater cognominatus sit scortator, aut for- nus, aut idololatra, aut obreſcator, aut ebriosus, aut raptor, ne cum eo manducetis. Et alibi idem Apostolus ait: (2. Thes. 3. 6, 10, 14, 15.) Denuncia- mus vobis fratres in nomine Domini nostri Iesu Chri- sti, ut vos subducatis ab omni fratre inordinatè am- bulante, & non secundum traditionem quam accep- istis a nobis. Et infra, Et enim cum eramus apud vos, hoc denunciamus vobis, ut qui laborare nollet, non manducaret. Et infra, Si quis non auditat verbo nostro, per epistolam hunc notate, & ne com- muniſcaini cum illo, ut pudeſcit. Neque pro inimico*



*ducite, sed admonete, ut fratrem.*

*At altera ratio ubi est expressa*

Itidem ad Corinthios. (cap. 5. 18.) ubi ait: *Tol-  
lite malum ex vobis ipsis.* Et apud Matthæum,  
(cap. 18. 17.) *Si Ecclesiam non audierit, sit tibi tan-  
quam Ethnicus & Publicanus.*

*Cur Verò ejusmodi castigatio servatur in  
Christi Ecclesia?*

Vt delinquēs corrigatur, alii verò metuāt, nec  
a perversis depravetur, atq; ita offensio e cœtu  
Christi tollatur, nec verbum Dñi malè audiat,  
nevé ad eū modū gloria Domini prophanetur.

*Qua est illa inspectio iis, qui presunt, propriè  
competens?*

Non solum illis omnibus officiis studiosius  
quàm aliusquispiam perfungi, sed etiā alios ad  
eorū perfunctionē excitare, Ecclesiā inspicere,  
singulos observare, & tēpestivè ac intempestivè  
instare, (1. Tim. 4. 2.) arguere, increpare, cum o-  
mni lenitate & doctrina debent: ejusmodi ta-  
men circumspectio adhibenda est, (1. Tim. 5. 1.)  
ne senioreni increpent, verū tanquam fratrem  
admoneant, juniores tanquam fratres, seniores  
mulieres ut matres, juniores ut sorores, cum o-  
mni castitate. *Qua est Ecclesia invisibilis?*

Sunt ii, qui Christo confidunt, & obtempe-  
rant, propterea q; ipsius corpus propriè existūt.  
*Cur Verò eum hominū cœtum invisibilem vocas?*

Idcirco quòd ea quæ ipsum constituunt, ho-  
minū oculis exposita non sunt, nempe Christi  
spiritus, & fides in ipsum.

**FINIS.**